



partii naleraq

UKA 2017/031-00

06-11-2017

Apeqquteqaat aallaavigalugu Inatsisartut oqallinnissaannik siunnersuut, una pillugu: Nunatta napparsimaviini katsorsaasoqarnikkut maannakkut siunissamilu amerlassutsitigut ikinnerpaaffiliisimanerput qanoq iliorluta naammassineqarnissaa qulakkeersimassavarput.

(Inatsisartunut ilaasortaq Jens-Erik Kirkegaard, Siumut)

Inatsisartunut ilaasortap Jens-Erik Kirkegaard, siumumeersup apeqquteqaat aallaavigalugu Inatsisartut oqallinnissaannik siunnersuutaa; tassa nunatta napparsimaviini katsorsaasoqarnikkut maannakkut siunissamilu amerlassutsitigut ikinnerpaaffiliisimanitta qanoq iliorluta naammassineqarnissaata qulakkeersinnaaneripput pillugu oqallisissiaanut qujavugut taannalu Partii Naleraq sinnerlugu imannak oqaaseqarfigissuarput:

Isumaqarpugut apeqqut taanna ajunnginnerpaamik pitsaanerpaamillu akineqarsinnaasoq kalaallinik amerlanerungaartunik ilinniartitsinikkut ilinniartitaanerullu ajunnginnerusumik pitsaanerumillu aaqqissuulluangaanerumik ingerlanneqarneratigut anguneqarsinnaasoq.

Kisianni ilinniartitaanikkut qaammarsaanikkut siusinaartumillu iliuuseqarnikkut ajornartorsiuterpassuit suliniutigineqaraluartut, taamaattoq aamma tamatsinnut eqqaasitsissutigiuartariaqarparput, nammineerluta peqqissuunissarput aamma akisussaaffigingatsigu.

Tassami suut nerissallugit suullu imissallugit qanorlu inuuneqassalluta nammineerluinnarluta ullut tamaasa nammineq aaliangertarparput aamma tamanna ajunngilaq, kisianni ajoraluartumik puujortarparput suut imerutsigit, suullu neringutsigit inuunitsinnut peqqinnarnerusut qanorlu inooriaaseqarutta peqqinnarnerusumik inuuneqarsinnaanerput ?

Aamma peqqinnangippallaartumik inooriaaseqarnitta saniatigut inatsisinik unioqqutitsinerpassuit pissusissamisunngitsumillu iliuuseqartarnertigut peqqinnissaqarfimmut suliakkiuterpassuit pinngitsoorneqarsinnaangaluartut inuiaqatigiinnut akisoorujussuit suliakkiissutigineqartartut pinngitsoortinniarlugit ilinniartitaanikkut qaammarsaanerunikkullu iliuuseqarfigineqarnerunissaat pisariaqartoq isumaqarpugut. Tassami meeqqanut inuusuttunullu malingassiuususaaniaraluarparput.

Naluneqanngilaq maanna ukiunilu aggersuni aamma europap ilaani nakorsaqarnikkut amingaa-
teqarnerunissaq eqqartorneqartarmat, taamaammat pissusissamisuuinnarpoq aamma danmark-imiin-
naanngitsoq, kisiannili aamma nunanit allaniit nakorsanik tikisitsisarnissaq suliniutigissallugu.

Kisianni ilinniartitaaneq qaammarsaanerlu suli annerusut pisariaqarput aamma peqqinnissaqarfimmi
anigaasartuuterpassuit minnerpaaffissaaniitsinniarlugit.

Taama naakkaluamik oqaaseqarluta oqallisissiatut siunnersuut oqaaseqarfigilaarparput.

Anthon Frederiksen